

Broj: 01-02/1-2843/25 SK/VA
Sarajevo, 11.12.2025. godine

**BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE BIH
PREDSTAVNIČKI DOM**

**n/r gđin Dragan Mioković, predsjedavajući
n/r gđa Alma Beganović, zastupnica
n/r gđa Ajla Milišić Pepić, zastupnica**

**VLADA FEDERACIJE BOSNE I HERCEGOVINE
n/r gđa Edita Kalajdžić, sekretar**

Bosna i Hercegovina
Federacija Bosne i Hercegovine
**PARLAMENT FEDERACIJE
SARAJEVO**

Primijeno:		15-12-2025	
Org. jed.	Broj	Priloga	Vrijednost
05/1	-02-	729	/25

Predmet: Odgovor na inicijativu, **dostavlja se-**

Veza: Akt predsjedavajućeg Predstavničkog doma Parlamenta Federacije Bosne i Hercegovine, broj: 05/1-02-729/25 od 24.11.2025. godine i akt sekretara Vlade Federacije BiH br. 03-04-1954-14/2025 od 28.11.2025. godine

Poštovani,

Aktima broj i datum veze, Federalnom ministarstvu rada i socijalne politike dostavljena je Inicijativa, koju su, na 26. redovnoj sjednici Predstavničkog doma Parlamenta Federacije BiH, održanoj 20.11.2025. godine, podnijele Alma Beganović i Ajla Milišić Pepić, zastupnice u Predstavničkom domu Parlamenta Federacije Bosne i Hercegovine, a vezano za pokretanje postupka izmjene propisa radi uvođenja kategorizacije obrta prema visini ostvarenog prihoda i dobiti, obezbjeđenja ostvarivanja prava na dječiji dodatak obrtnicima koji ne prelaze propisani cenzus, bez obzira na to što imaju registrovan obrt, definisanja posebne kategorije malih i niskoprofitnih obrta (poput frizerkih salona, cvjećara, prerađivača voća, povrća, meda i drugih zanatskih djelatnosti), kako bi se spriječila daljnja finansijska diskriminacija porodica čiji prihodi ne prelaze minimalne životne standarde. Shodno navedenom dostavljamo odgovor u dijelu nadležnosti Federalnog ministarstva rada i socijalne politike kako slijedi:

S aspekta nadležnosti ovog Ministarstva, ističemo da su Zakonom o materijalnoj podršci porodicama s djecom u Federaciji Bosne i Hercegovine („Službene novine Federacije BiH“, br. 52/22 i 58/24) propisani uslovi za ostvarivanje prava na dječiji dodatak, pa je tako odredbom člana 13. stav (1) tačka a) Zakona o materijalnoj podršci porodicama s djecom u Federaciji Bosne i Hercegovine propisano da dijete iz člana 12. stav (1) ovog zakona može ostvariti pravo na dječiji dodatak ukoliko ukupni mjesečni prihodi po članu porodice iz člana 5. ovoga zakona ne prelaze 40% (četrdeset posto) najniže plate u Federaciji utvrđene u skladu s odredbama Zakona o

radu, dok je stavom (1) tačka b.) istog člana propisano da dijete iz člana 12. stav (1) istog zakona može ostvariti pravo na dječiji dodatak ukoliko nijedan član porodice nema registrovanu samostalnu djelatnost koja je u posljednjih godinu dana ostvarila prihod.

Odredbom člana 4. stav (1) tačka g) Pravilnika o potrebnoj dokumentaciji za ostvarivanje prava na dječiji dodatak („Službene novine Federacije BiH“, br.71/24 i 4/25) propisano je da u redovnim okolnostima, koje ne zahtijevaju utvrđivanje posebnih činjenica, centar za socijalni rad, odnosno opštinska služba socijalne zaštite (nadležni prvostepeni organ) provodi postupak provjere ispunjenosti osnovnih uslova za ostvarivanje prava na dječiji dodatak koji se zasniva na dokazivanju i utvrđivanju, između ostalih, činjenice neposjedovanja registrovane samostalne djelatnosti članova porodice djeteta koja je u posljednjih godinu dana ostvarila prihod. Slijedom prednjeg proizilazi da je uslov da bi se ostvarilo pravo na dječiji dodatak činjenica da niti jedan član porodice nema registrovanu djelatnost koja je u posljednjih godinu dana ostvarila prihod, te ukoliko niti jedan član porodice nema registrovanu djelatnost koja je u posljednjih godinu dana ostvarila prihod onda se primjenjuju odredbe člana 13. stav (1) tačka a) a u vezi sa članom 4. stav (1) tačka c) i članom 5. Zakona o materijalnoj podršci porodicama s djecom u Federaciji Bosne i Hercegovine, koje se odnose na ukupna mjesečna primanja članova porodice.

U vezi prijedloga navedenog u Inicijativi zastupnica u Predstavničkom Domu Parlamenta Federacije Bosne i Hercegovine, da se izradi model kategorizacije obrta prema visini ukupnih prihoda, dobiti i sezonskom karakteru djelatnosti, utvrde jasni kriteriji prema kojima bi obrtnici sa niskom dobiti, koji ne prelaze cenzus, imali pravo na dječiji dodatak, jednako kao i sve druge kategorije građana, usklade zakonski i podzakonski akti kako bi se spriječile situacije u kojima formalna registracija obrta automatski znači gubitak socijalnih prava i omogući jednostavan, transparentan i efikasan sistem provjere prihoda, uz korištenje postojećih poreskih i fiskalnih evidencija. S tim u vezi, ističemo, da je zaštita porodica s djecom djelatnost od posebnog društvenog interesa, koja ima za cilj obezbjeđenje približno jednakih uslova za zdrav i pravilan razvoj djece, kao i pružanje pomoći porodicama u stanju socijalne potrebe, pa je u tom smislu potrebno svakodnevno poboljšanje stanja u toj oblasti, a što je jednim dijelom i rezultiralo donošenjem novog Zakona o materijalnoj podršci porodicama s djecom u Federaciji Bosne i Hercegovine. U tom smislu ističemo da je novi Zakon o materijalnoj podršci porodicama s djecom u Federaciji Bosne i Hercegovine („Službene novine Federacije BiH“, br. 52/22 i 58/24) počeo sa primjenom u septembru 2024. godine i istim su uređene osnove materijalne podrške porodicama s djecom, osnovna materijalna prava za podršku porodicama s djecom, postupak, uslovi i način ostvarivanja prava, finansiranje materijalne podrške porodicama s djecom, nadzor i druga pitanja od značaja za ostvarivanje materijalne podrške porodicama s djecom u Federaciji Bosne i Hercegovine. Novim Zakonom o materijalnoj podršci porodicama s djecom u Federaciji Bosne i Hercegovine uvršteni su ograničavajući uslovi za ostvarivanje prava na dječiji dodatak, a koji se odnose na član 13. stav 1) tačka b) tog zakona, a kojim je propisano da dijete iz člana 12. stav (1) ovog Zakona može ostvariti pravo na dječiji dodatak ukoliko nijedan član porodice nema registrovanu samostalnu djelatnost koja je u posljednjih godinu dana ostvarila prihod.

Budući da se u praksi pojavljuje određeni broj samostalnih obrtnika koji ostvaruju minimalne prihode, te svjesni da je riječ o socijalno ugroženoj kategoriji stanovništva,

te da su isti od početka primjene novog Zakona o materijalnoj podršci porodicama s djecom u Federaciji Bosne i Hercegovine pa do danas dovedeni u stanje socijalne potrebe jer, s jedne strane, prihodi koje ostvaruju registrovanim malim obrtima ne mogu zadovoljiti materijalne egzistencijalne potrebe, a s druge strane, zbog takvih registrovanih obrta ne ispunjavaju uslove za ostvarivanje prava na dječiji dodatak. S tim u vezi, Federalno ministarstvo rada i socijalne politike će u narednom periodu razmotriti mogućnost izmjene Zakona o materijalnoj podršci porodicama s djecom u Federaciji Bosne i Hercegovine kada je u pitanju ostvarivanje prava na dječiji dodatak za određene kategorije malih obrtnika, a koji su u stanju socijalne potrebe jer isti ostvaruju minimalne prihode.

S poštovanjem,



Dostavljeno:

- Naslovu
- a/a